

也之兆

誠精故明神應故妙幾微故幽

註 清明在躬志氣如神精而明也不疾而速不行而至應而妙也理雖已萌事則未著微而幽也

誠神幾曰聖人

註 性焉安焉則精明應妙而有以洞其幽微矣

慎動第五

動而正曰道

註 動之所以正以其合乎眾所共由之道也

用而和曰德

註 用之所以和以其得道於身而無所待於外也

道藏輯要

通書

五 一星集七

匪仁匪義匪禮匪智匪信悉邪也

註 所謂道者五常而已非此則其動也邪矣

邪動辱也甚焉害也

註 無得於道則其用不和矣

故君子慎動

註 動必以正則和在其中矣

道第六

聖人之道仁義中正而已矣

註 中即禮正即智圖解備矣

守之貴